

## Anna Cavegn, Sedrun/Domat



(G.F.) Nossa veta dependa la finfinala buca da success momen-tans e mundans, ni d'arbagias sportivas, mo-bein schebein ella ei daven-tada madira avon Diu Quei ei stau il cass tier nossa pre-

ziada defuncta! Anna Cavegn. Ils 17 da settember 1986 annunzia il zenn grond dalla pleiv da Tujetsch la mort da nossa buna convischina Anna Cavegn da Sedrun, spartida a Domat.

Anna ei naschida a Sedrun ils 11 da matg 1905 ella famiglia d'Adolf e Cresenzia Cavegn-Hitz. (Els ein adina vegni numnai ils Adolfs). En tut ein els stai 11 affons. Dus da quels ein morts aunc pigns. En quei ambient ei nossa prezziada Anna carschida si ed ha frequentau las scolas a Sedrun. Ei fuva plitost onns maghers ed ei era neces-sari dad aschi prest sco pusseivel mi-rar da saver gudignar enzanua zacons raps. Gest suenter la scola eis ella ida a Mustér per saver gidar leu en ina casa da fugitivs dalla uiara dils anno

1914. Da 1927–1954 eis ella stada casarina tier Sur G. Capaul a Rabius ed a Glion.

Da 1958–1964 s'engascha ella per la casa catolica da mattatschs a Vättis, 1964/65 a Caviano/Tessin, 1965/66 ad Oberwil/Zug, 1966–70 eis ella ella Claustra da Mariazell/Wurmsbach sco survienta da casa. Da 1970–1976 eis ella secasada a Domat tier siu frar Giusep Cavegn-Merlo. La trapassada ha buca giu mo bi e bien en sia veta. Aschia ha ella era giu ina operaziun dils egls ed aunc giu rut in calun. Mal-grad tut quei eis ella aunc serestabi-lida dètg pulit. Quei che ha denton mudergiava ella il pli fetg ei bein stau quella nauscha malsogna d'artritis.

Suenter la mort da siu frar Giusep eisi vegni lartg. Ella scheva encrescher. Tut ils auters eran gia vi ella perpet-nadad. Ella ha astgau returnar sia olma a siu Scaffider. Sia veta ei stada quita pil ses, lavur ed oraziun. Igl ei stau siu giavisch d'astgar ruassar el bi santeri da s. Vigeli a Sedrun per spi-tgar leu sin la levada da tuts ils morts. Segner, dai a Tia survienta il ruaus perpeten – e la glisch eterna sclare-schi ad ella e sur tuts nos cars de-functs. RIP.

25.11.86